

B. 378.



IV.
DE BIBLIOTHECIS ET MVSEIS
ERFORDIENSIBVS.

PRÆCIPVE
DE REV. MINISTERII AVG. CONF.
BIBLIOTHECA,
PARTICVLA I.

QVA
AD EXAMEN AVTVMNALE

D. VI. VII. et VIII. OCTOBRIIS MDCCC.
IN GYMNASIO SENATORIO HABENDVM
INVITAT

ET
SYMBOLAS IN BIBLIOTHECAM
ET MVSEVM GYMNASII

PER SEMESTRE PRAETERITVM OCTAVVM A BENE-
VOLENTIBVS COLLATAS RECENSET

GYMNASII DIRECTOR
M. IO. IOACH. BELLERMANN,

THEOL. P. P. O., PHIL. P. P. E., ACAD. EL. MOG. SCIENT. VTIL. SOCIVS
ET AB EPISTOLIS, SOCIETAT. LATINAE IENENS., OECON. LIPSIENS.,
MINERAL. IENENS., PATRIOT. WESTPHAL. ET NAT. CVRIOSOR.
BROCKHVSA - WESTPHAL. SODALIS.

ERFORDIAE,
LITERIS IO. CHRISTOPH. GOERLING, ACAD. TYPOGR.

DE BIBLIOTHECA ET MUSEO
ERFORDIENSIS

In cimeliorum Erfordiensium recensione jam ad Bibliothecam rev. Ministerii Aug. Conf. progressurus, hic, sicut in programmatibus praecedentibus, in quibus notitiam et Bibliothecae Museique naturae curiosorum, et Thesauri rerum naturalium arteque confectarum in Orphanotropheo servati magis familiarem reddere studui, *primo* statum hujus gazophylacei praesentem exponam, *deinde* ejusdem historiam narrabo; et, quanquam in tribus illis scriptionibus, ut omnibus utilis esse possem, idiomate patrio uterer, attamen nunc, propter singularem rerum describendarum indolem, latinam linguam praeferam.

Quia vero hujus Bibliothecae Codices manuscripti orientales, hebraici, chaldaici, rabbinici et arabico-turcicus non solum rarissimis rebus merito adnumerantur, sed etiam, si a quatuor Bibliorum codicibus hebraicis discesseris, nullibi hucusque indicati, enarrati et descripti deprehenduntur, ab his, omnibus ambagibus missis, statim exordiar.

Sedecim volumina manuscripta orientalia Bibliotheca rev. Ministerii sistit, nimirum I–V quatuor Bibliorum codices hebraicos, quorum primus duo volumina complectitur; VI–IX quatuor codices Pentateuchi rotulos; X codicem Masorae; XI codicem Mischnae; XII codicem Machsor seu Kolbo; XIII et XIV duos codices operum Rabbi Salomonis Iarchi, vulgo Raschi dicti; XV volumen plurimum Casuisticorum rabbinicorum et XVI codicem arabico-turcicum.

De

De praestantissimorum horum codicum unoquoque pauca dicturus praecipue ad ea, quae cujusque codicis rationem, naturam, conditionem et aetatem indicare mihi videntur, respiciam.

Codicis primi Volumen I et II.

Codex manuscriptus membranaceus, in folio maximo, quae forma regia dicitur; qualibet membrana, seu quolibet folio longitudinem duorum pedum rhenanorum, et latitudinem $1\frac{1}{2}$ ped. rhen. superante; duobus tomis, quorum primus DLXXXI folia, et secundus DXXXXII continet; plurimis paginis in tres columnas, paucis in duas (praesertim in canticis) diuisis, vnica tantummodo sub librorum finem pagina in columnas non distributa; qualibet columna triginta lineis scripta; characterè quadrato, nitidissime et elegantissime exarato.

Duo hi tomi complectuntur 1) textum Bibliorum hebraicum cum vocalibus; 2) Thargum, seu chaldaicam paraphrasin intertextualem, alternantibus versibus; 3) Masoram vtramque, minorem et maiorem, hanc superne infraque, illam a latere; 4) Variantes lectiones et notas criticas, tam separatas, quam Masorae immixtas. Codex est fere omnimode integer, plenus et absolutus, nam desunt tantummodo duo folia, 1 Paral. 2, 3 - 30 a voce רע ad ומת , et Ies. 2, 21 - 3, 24 a ובטעפי ad פתיגיל . Vocales cum accentibus, Masora et reliquae notae a recentioribus manibus sunt adjectae. Hebraici et chaldaici textus atramentum praeparatum est, vt videtur, ex fuligine, punctorum et notarum e gallis.

Punctator, נקרן , se distinxit expressis verbis a Scriba, רפוס , ab vtroque differt criticus quidam Censor מנקר .

Scribae nomen in inferiore parte utriusque paginae et librum Nehemiae finientis et libros Paralipomenon incipientis extat:

בְּרוּךְ בְּרַבִּי זֵרַח הַסּוֹפֵר
 i. e. *Baruch*, filius *Rabbi Serach*, scriba; et quidem ita, ut bina verba in altera pagina, et bina verba in altera iuxta scripta sint. Nominis literae sunt unciales permagnae, e biblicis dictis, precibus et Masora artificiose contextae. Multis aliis locis, e. g. Gen. 24, 31. Exod. 17, 10. Num. 22, 12. Deut. 7, 14. Jerem. 32, 12. 36, 26. in quibus ut hic 1 Par. 1, 44. nomen *Baruch* seu *Serach*, seu utrumque occurrit, scriptoris nomen vario ornatu florum, animalium etc. rabbinico, semel, Num. 22, 12 in pectore leonis adpicti verbis expressis בְּרַבִּי זֵרַח הַלְּבַלֵּי (i. e. (*Baruch*) filius *Rabbi Serach*, Hallablar, i. e. libellarius s. scriba) indicatum est. De anno, quo vixit et quo hunc Codicem exaravit, nullibi quid inueni; multo aliter de iuniore Punctatore.

Punctator, qui codicem vocalibus et Masora instruxit, שִׁמְסוֹן מִמְּמִינּוֹן, *Simson Menminon*, laborem suum absoluit anno 103 computationis minoris iudaicae, i. e. anno Christi 1343; adduntur nimirum et 5000 anni aerae majoris, seu a creatione orbis, et 240 anni differentiae computationis christianae, ita ut 5343 habeas, subtractis 4000 annis ab orbe condito ad Christum natum restat 1343. Punctatorem primo tantum vocales accentusque et Masoram parvam adposuisse, deinde vero etiam Masoram magnam adjecisse auctor ipse testatur, et duplicem hunc laborem diverso tempore absoluisse ipse profitetur. Sed *Simson Menminon* de se suoque opere ipse loquatur, qui in fine totius operis amplum commentarium rhythmicè adposuit, quem et verbotenus et iisdem lineis hic describere iuuabit. Punctatoris

„fesso robur et qui erit mihi clypeus. In manum meam hostem
 „tradet (ימגן = 10 + 40 + 3 + 50 = 103). Quocumque me
 „vertam, preces meas audiet. Adimplet petitum cordis mei in
 „bonum, et audit orationem meam. Pareit populo suo et be-
 „nedicit illis in pace sua. Amen, amen, amen! Selah!“ Ryth-
 „mos duodecim seu homoeoteleuta lineolis seu potius punctis
 significauit auctor.

Ab utroque huius epilogi latere versus rythmici leguntur
 sequentes. In latere dextro:

בעור רחום וחנן : שמשון מינמונון : סיים זאת המקרא :
 בניקוד ובמסורה : אף פי אין כי תבונה : הצרכתי לאמר :
 חנני נא : כי באפס חנם ונכר : ממניס איש בלא דבר :
 וכל איש אשר יקרא בספר : להגות אמרי שפר : דברי
 אמרת ישים לבו : ולא יחיש או ידקק בו : והשגורת
 ייטיב : כי ברוך הטוב מטיב : והודוורת לא ימחול לי :
 או על השגורת בפלגלי : לנקותי מהש ואדם : כאמור
 מפי שר ואדום : שנוגות מי יבין ומנסתרות נקני : כן יהי
 רצון פני הש' אדני |

Id est: „Auxiliante Deo misericorde et benigno, *Simson Men-*
 „*minon* absoluit hunc codicem cum punctis atque Masora. Quan-
 „quam nulla in me sit scientia necesse tamen habeo edicere: Ecce
 „me quaeso! Nam si deest vir doctus et selectus (eruditus), sub-
 „stituunt virum haud eruditum. Quisquis autem leget in hoc
 „codice ad meditandum haec dicta pulchra, is verba haec vera
 „reponat in cor suum, neque nimis festinans nec nimis scrupu-
 „losus ea legat; lapsibus scriptoris ignoscat, Deus enim bene-
 „dictus optimus etiam ignoscit. Vitia autem proaeretica (lector).

non

7
„non condonet, praeter mendas scriptorias, quae forte mihi ac-
„ciderunt. (Idque ideo dixi) ut innocens sim coram Deo et ho-
„minibus. “Quemadmodum dictum est ex ore Principis et
„Rubicundi (i. e. Davidis, Psalm. 19, 13. coll. 1 Sam. 16, 12): „
„„Quis scit omnia errata? Ab occultis absolve me.““! Ita faxit
„Deus Dominus! (seu verbotenus: ita sit voluntas coram facie
„Dei Domini!), „ Linea octava lege שנייה pro שנייה, et lin.
octava et nona שש est pro השש. Si lector curiosus has novem
lineas, quas codex manuscriptorum offert, rhythmicè vult descri-
bere, viginti homoeoteleuta inveniet.

Quia telam modo perparvam texere mihi hic licet, filum
abrumpo, quod prima occasione annectam.

Paucis verbis erant in Bibliothecam et Museum Gymna-
sii nostri per praeteritum semestre a Benevolentibus collatum
ex more nominaturus, omnibus beneficis Fautoribus gratias ago
hebeoque maximas.

Herr Wilh. Schorch Kaufmann in Hamburg: einen amerikanischen silbernen Dol-
lar, mit d. Aufschr. United states of America, Liberty, 1799. One dollar or hundred
cents; eine Silberstufe vom Himmelsfürsten bei Freiberg. — Hr. D. Heinr. Schorch
alhier: Gesners Schritten, 5 Theile, roh. — Hr. Past. Lossius in Schwerborn, sechs-
zehn Münzen und Schaustücke als 3 kl. silberne, 3 zinnerne und 10 kupferne; unter
Ietztern ist Balthasar Becker, Joh. Pet. v. Ludwig, etc. — Ein Ungenannter, für
die Seminaristen, Weisenbrück's oekonom. Handb. — Hr. Obermarkherr und Korn-
meister Strahl alh, das Original-Perschaft Conrad Hortermanns, Erfurtischen Rath-
meisters, der 1307 den vertriebenen Landgrafen von Thüringen Albert in Erfurtischen
Schutz nahm. Von Silber mit einem beweglichen Griffe. — Gymnas. Reinhard: ein
indian. dürres grosses Blatt. — Gym. Schär: eine kupf. engl. Schaumünze: Succes-
to the bayze trade, 1794. — Hr. Oberkämmerer D. Spitz (zweit. Beitr.) ein grosses
Per-

Perspektiv mit sieben Auszügen; drei Stück eiserne Pfeilspitzen, die bei Mühlberg gefunden worden sind; zehen Stück diverse Tondorfer Kiesel und Reichart's Land- und Gartenschatz 6 Theile in 2 Bänd. — Hr. D. I. I. Bernhards: dessen systemat. Verzeichniß der Pflanzen, welche in der Gegend um Erfurt gefunden worden, Erster Theil 1800. 8. — Von den neuen ansehnlichen Beiträgen des Hrn. Justizraths D. Büchner, welche jetzt aus Norwegen unterweges sind, w. G. im nächsten Programm.

Iam denique sequar consilium, cujus causa haec praemissa sunt, indicabo declamationes a tribus optimaе spei juvenibus exercitii causa elaboratas et in examine publice habendas. Primo examinis die verba faciet

JO. GEORG. SCHAER, Erfordiensis, *De conficiendae pacis apud veteres Romanos ritibus, qui ob instantem pacem in memoriam revocentur, maxime dignis, latine.*

Tertio examinis die declamabunt:

CASP. FRID. TROMMSDORFF, Erfordiensis, *De ostracismi Atheniensium instituto et ratione, latine.*

CHRISTIAN ERDMANN, Molsdorf-Gothanus, *Von der Unbeständigkeit des Fleisses mancher Jünglinge in den Bildungsanstalten, germanice.*

Cum hi tres adolescentes moribus probatissimis et profectibus laudandis sint conspicui, ex Vobis, Viri Magnifici, Patroni amplissimi, et omnes studiosae juventutis Fautores, enixe peto, vt illos praesentia Vestra subvetis Gymnasiumque Vestra corona splendidissima condecoretis. Erfordiae, d. IV. Oct. MDCCC.

Aa 535

40



VD18

ULB Halle


3

005 126 69X



M. C.





IV
 DE BIBLIOTHECA
 ERFORDIENSIS

PRAEFATIO
 DE REV. MINISTRI
 BIBLIOTHECAE
 PARTI

QV
 AD EXAMEN
 D. VI. VII. et VIII.
 IN GYMNASIO SENAE
 INVITATIONE
 ET
 SYMBOLAS IN
 ET MVSEVM
 PER SEMESTRE PRAETERITUM
 VOLENTIBVS COLLEGIS
 GYMNASII
 M. IO. IOACH. B.
 THEOL. P. P. O., PHIL. P. P. E., ACA
 ET AB EPISTOLIS, SOCIETAT. LATINAE
 MINERAL. IENENS., PATRIOT. WESTPHALICAE
 BROCKHUSA · WESTPHALICAE

ERFOR
 LITERIS IO. CHRISTOPH. C.

